



UNIVERSITÄTS-
BIBLIOTHEK
PADERBORN

Flores Meditationvm

Bebius, Philippus

Coloniae Agripp., 1623

Medit. 11. De Oratione.

[urn:nbn:de:hbz:466:1-59636](https://nbn-resolving.org/urn:nbn:de:hbz:466:1-59636)

4. Christus subtraxit discipulis presentiam corporis sui, cui nimium adhærebant, ut reciperent Spiritum sanctum; ut scias mentem à rebus mundanis, & sensualibus abstrahendam, si cœlestes consolationes expectas.

5. In apostolis (qui antea valde timidi erant) evidens Spiritus S. signum fuit, quod argueret malos homines libere, 1. de peccatis, à quibus conuerti nollent. 2. de Iustitia, quam fide suscepta, negligerent. 3. de Iudicio, quia in nullo fere ita homines peccant, sicut de aliis iudicando: Colliges & tu, Spiritum Sanctum in te esse, si hæc ipsa, in aliis & in teipso arguas.

6. *Non potestis portare &c.* immensa est Dei bonitas, quæ nobis se accommodat, nec plura, quam possimus, exigit. Non ita mundus, &c.

7. *Multa habeo &c.* Licet aliquid tibi profecisse videaris, tamen scias tibi adhuc multum superesse.

8. Tanta est Christi erga nos caritas, ut non tantum ipse nobiscum maneat in SS. Eucharistia, sed etiam nobis spiritum suum largiatur, qui nos doceat, & nobiscum perseueret, ne in fide erremus, aut in peccata prolabamur.



MEDITATIO XI.
DE ORATIONE.

PVNCTA MEDITATIONIS.

I. *Dixit Iesus discipulis: Amen dico vobis,* *IOANNIS.*
V 6 *bis,*

bis, si quid petieritis PATREM in nomine meo, dabit vobis.

II. Petite & accipietis, ut gaudium vestrum sit plenum.

III. Ipse pater amat vos; quia vos me amastis.

PROPHETIÆ.

Psal. 118. **O**s meum, aperui (in oratione) & attraxi Spiritum.

Eccl. 39. Iustus cor suum tradet ad vigilandum diluculo, etiam in conspectu altissimi pro delictis suis deprecabitur. Si enim Dominus volet, spiritu intellig. replebit &c.

Sap. 10. De Iacob. Certamen forte dedit illi, (in oratione cum Angelo) ut vinceret.

DOCUMENTA.

1. **Q**uamvis discrimen est inter Reges huius mundi, & Regem cœli? Illi paucos, eosque ferè magnates ad suum colloquium admittunt. At cœlestis non tantum admittit, etiam vilissimum quemque, sed etiam inuitat, & tanta cum asseueratione promittat; pudeat te, si quando pro re vili tale colloquium intermittis.

2. Si exaudiri desideras, vide ut secundum formam Christi petas. 1. Aliquid magnum, quod ad æternam salutem pertineat. 2. petas à Patre, tanquam eius filius, in statu gratiæ (per confessionem aut contritionem) constitutus. 3. petas in nomine Christi, per illius scilicet merita

merita, per quem Deus pacificare vult omnia quæ in coelis, & in terra continentur.

3. *Petite & accipietis.* Causa paupertatis tuæ spiritualis (defectus gratiæ cœlestis & virtutum solidarum) tu ipse es, tua negligentia & tarditate; quia Deus ipse semper largiri paratus est, modo tu petas, & ad eius voluntatem te pariter accommodes.

4. *Petite, ut gaudium vestrum sit plenum.* Rebus huius mundi (v. c. diuitijs, voluptatibus) anima, quæ naturæ cœlestis est, saturari ac repleri non potest. Vnde ad Deum ipsum ac res cœlestes (quibus integrè acquiescit ac repletur) aspirandum est; tum in hac vita, in qua similitudo quædam beatitudinis habetur; tum in futura, in qua Deus veram & integram fœlicitatem electis suis ostendet, & erit OMNIA IN OMNIBVS.



MEDITATIO XII.

DE APOSTOL. TESTI- MONIO AC PERSECVTIONE.

PVNCTA MEDITATIONIS.

I. *Dixit IESVS Discipulis Spiritus san-* Ioan. 15.
ctus testimonium perhibebit de me, & 16.
& vos testimonium perhibebitis.

II. *Ne scandalizemini; absque Synago-*
gis facient vos.

III. *Venit hora, cum, qui vos occiderit,*
arbitrabitur obsequium se præ-
stare